

# Peluang lebih luas bagi pelajar sastera liberal NUS ceburi kerjaya perubatan

PELAJAR sastera liberal akan mendapati lebih mudah untuk mereka menceburi kerjaya dalam bidang perubatan dengan adanya kerjasama antara Kolej Yale-Universiti Nasional Singapura (NUS) dengan Sekolah Perubatan Duke-NUS.

Dua sekolah itu melancar-

kan satu laluan baru bagi penuntut sastera liberal yang merancang menceburi bidang perubatan.

Ini dalam usaha “membentuk karyawan penjagaan kesihatan masa depan yang menghargai ilmu sains, sains ke-masyarakat dan ilmu ke manusia dalam amalan peru-

batan”, menurut dua kolej tersebut dalam satu kenyataan bersama semalam.

Laluan sastera liberal dan perubatan baru itu akan bermula pada Ogos ini.

Pelajar yang mengikuti laluan itu akan meraih pengalaman akademik dan bukan akademik sepanjang pengajian mereka.

Ini dijangka dapat membantu memperkuuh komitmen mereka dalam bidang perubatan.

Pelajar juga akan mempunyai akses kepada beberapa program yang diadakan di Kolej Duke-NUS.

Kemudahan ini disediakan demi mempersiap diri mereka untuk kerjaya perubatan.

Ini termasuk program penyeronan yang direka untuk memberikan pandangan tentang program kemasukan siswazah bidang perubatan di samping mengetahui peranan karyawan perubatan selain memahami amalan perubatan di Singapura.

Mereka juga berpeluang merhatikan karyawan perubatan semasa bertugas dan menyertai bengkel bidang perubatan.

Pelajar boleh memohon bagi laluan tersebut menerusi permohonan mahasiswa Yale-NUS.

Mereka yang berjaya akan menerima tawaran memasuki program mahasiswa empat tahun di Yale-NUS dan peneri-

maan masuk bersyarat ke dalam program siswazah Doktor Perubatan (MD) Duke-NUS.

Pada akhir tahun ketiga pengajian di Yale-NUS, pelajar akan menghantar permohonan rasmi kepada Duke-NUS untuk mendapatkan penerimaan masuk bagi program siswazah MD itu.